



Pou Piblikasyon Imedya: 09/01/2024

GOUVÈNÈ KATHY HOCHUL

GOUVÈNÈ HOCHUL ANONSE PLAN POU REPONN AK DEFI SEKIRITE PUBLIK KI ASOSYE AK MALADI MANTAL GRAV

Pwopozisyon Eta Leta a pral ouvri 200 novo kabann sikuatrik pou pasyan ki entène nan kad plan ekspansyon sou plizyè ane

Etabli ekip kowòdinasyon fòs de lòd ak sante mantal ak finanse fòmasyon sou entèvansyon nan kriz pou fòs de lòd yo

*Amelyore pwosedi admisyon ak egzeyat nan zafè sante mantal pou lopital yo
Finanse ekspansyon tribinal sante mantal ak espesyalis sante mantal nan tribinal*

Ogmante lojman tranzisyon ak lojman espesyalize

Finanse novo ekip sante mantal kominotè

Gouvènè Hochul te anonse jodi a yon plan pou adrese defi sekirite piblik ki asosye ak maladi mantal grav kòm yon pati nan diskou Eta Leta 2024 la. Pwopozisyon Gouvènè a pral bay yon novo ekspansyon siyifikatif kabann ak sèvis sikuatrik pou moun ki gen bezwen grav. Pou abòde bezwen popilasyon sa a epi minimize penetrasyon pi fon nan sistèm jistis kriminèl la, epi tou pou diminye vizit souvan nan sal ijans oswa peryòd sanzabri yo, gen yon seri entèvansyon ki nesesè. Gouvènè Hochul pral sipòte yon nivo kowòdinasyon san parèy ant lapolis ak pwofesyonèl sante mantal nan nivo eta ak lokal.

"Pandan plizyè dizèn ane, sistèm sante mantal nou an te pèdi priyorite ak finansman. Pa fè erè: sa a se defi ki defini tan nou an," **Gouvènè Hochul te deklare.** "Twò souvan, moun ki enplike nan ensidan vyolan nan lari nou yo ak nan metwo nou yo se viktim yo pou tèt yo — viktim yon sistèm ki pa bay yo tretman yo bezwen. Ane pase a, nou te fikse yon objektif anbisye pou envesti 1 milya dola pou transfòme seri swen sante mantal nan New York epi n ap kontinye goumen pou refòm konplè nan sistèm sante konpòtmantal nou an."

Komisè Biwo Sante Mantal la, Doktè Ann Sullivan, te deklare, "Lè yo ogmante aksè nan kabann pasyan ki entène, sèvis pou entèvansyon nan kriz ak lojman espesyalize, plan Gouvènè Hochul la pral ede asire moun k ap viv ak maladi mantal grav ka jwenn sèvis yo bezwen yon fason rapid, efikas ak lè yo bezwen yo plis, sitou lè yo ap fè

eksperyans yon kriz sante konpòtmantal. Epi lè nou ogmante fòmasyon pou entèvansyon nan kriz, nou ka ede anpeche entèraksyon yo ki pafwa mennen nan plis ak nan rezulta negatif."

Nan kad vizyon transfòmatè Gouvènè a pou abòde twou vid ki genyen nan sèvis ak sipò sante mantal, plan 1 milya dola Gouvènè Hochul la déjà ede konstwi pwogram entèvansyon pou timoun ak jèn; elaji aksè nan klinik ak lojman; epi bay ankourajman nan travay pou travayè swen sante mantal yo. Plan an ap amelyore tou kouvèti aspirans, epi ajoute kapasite lopital pou moun ki malad pi grav yo ka resevwa swen yo bezwen an.

Apati travay sa a, nouveau finansman nan ane fiskal 2025 la pral sipòte bagay sa yo:

Ouvri 200 Nouvo Kabann Sikyatrik pou Pasyan ki Entène nan kad Plan Ekspansyon sou Plizyè Ane

Gouvènè Hochul pral bay finansman pou etabli twa lòt Inite Tranzisyon nan Kay (Transition to Home Unit, THU) ki gen 25 kabann pou elaji disponiblite pwogram sikses sa a bay plis popilasyon ki bezwen swen espesyalize, ki gen ladan moun ki gen istwa enplikasyon repeète nan jistis kriminèl. Gouvènè a pral kreye tou 100 nouveau kabann sikyatrik pou pasyan ki entène avèk kapasité sivil, 15 ladan yo pral sèvi timoun ak adolesan ki gen bezwen espesyalize, tankou moun ki nan fanmi dakèy oswa ki gen enplikasyon nan lòt sistèm yo. Pou asire aksè a bon jan kalite sèvis sante mantal nan sistèm sante mantal mediko-legal la epi retabli konpetans moun yo te akize de yon krim, Gouvènè a pral kreye 25 nouveau kabann sikyatrik pou pasyan entène mediko-legal epi reyitilize 50 kabann sikyatrik pou pasyan entène ki egziste déjà pou bay sèvis espesyal pou moun k ap tann retablisman konpetans anvan jijman.

Gouvènè Hochul te fasilité tou retou prèske 500 kabann sikyatrik pasyan ki entène yo ki te dezaktivé pandan pandemi COVID-19 apre li te bay yon direktiv bay lopital komunitè yo an 2023. Li te kapab elaji kapasite pou entène tou lè li te louvri 50 nouveau kabann THU an 2022 ak 150 nouveau kabann sikyatrik pou pasyan ki entène an 2023, sa ki make pi gwo ekspansyon kapasite ospitalizasyon sikyatrik eta a nan plizyè dizèn ane.

Etabli Ekip Kowòdinasyon Fòs de Lòd ak Sante Mantal ak Finanse Fòmasyon sou Entèvansyon nan Kriz pou Fòs de Lòd yo

Pou konsantre sou kantite moun ki relativman piti yo konnen k ap sikile nan abri, lopital, penitansye ak prizon, Gouvènè Hochul pral kreye yon ekip devwe nan Biwo Sante Mantal (Office of Mental Health, OMH). Ekip sa a pral responsab pou etabli ak kontwole done fòs de lòd, antite koreksyonèl, lopital ak founisè yo pataje pou fasilité koneksyon ak sèvis, tankou lojman, epi pral travay atravè biwo reyjonal Biwo Sante Mantal pou kolabore ak founisè sante mantal lokal ak resous yo. Gouvènè a pral elaji tou Fòmasyon Ekip Entèvansyon nan Kriz (Crisis Intervention Team, CIT), ki te montre yo sipòte pi bon rezulta lè lapolis reponn a moun ki nan kriz sante mantal, kidonk sa ki diminye arrestasyon yo epi ogmante koneksyon ak sèvis sante mantal yo.

Amelyore Pwosedi Admisyon ak Egzeyat nan Zafè Sante Mantal pou Lopital yo

Gouvènè Hochul te mande Biwo Sante Mantal (OMH) ak Depatman Sante (Department of Health, DOH) pou bay règleman pou sal ijans yo, inite sikuatrik pou pasyan ki entène yo, lopital sikuatrik yo, ak Pwogram Ijans Sikuatrik Konplè (Comprehensive Psychiatric Emergency Program, CPEP) sou responsablite yo lè yo admèt ak egzeyate pasyan ki prezante kondisyon sante konpòtmantal.

Pou asire Nouyòkè yo pa pase move moman apre vizit lopital, lopital yo pral oblige fè tès depistaj pou pasyan ki gen pwoblèm sante mantal pou risk swisid, vyolans, itilizasyon sibstans ak lòt bezwen konplèks; asire transfè bay yon founisè swen apre tretman pou moun ki gen bezwen konplèks; epi pran yon randevou sikuatrik swivi nan sèt jou lè sa posib. Anplis de sa, yo pral bay OMH finansman pou elaji aktivite siveyans ak konfòmite règlemantè atravè anviwònman pwogram li yo ki gen lisans oswa ki pa gen lisans, ki gen ladan pwogram pasyan ki entène lopital ak CPEP yo.

Finansman Ekspansyon Tribunal Sante Mantal ak Espesyalis Sante Mantal nan Tribunal

Nan rekonèt epi chèche satisfè bezwen endividyièl sante mantal, eta a ap itilize tribunal sante mantal pou adrese kòz ki kache nan enplikasyon nan sistèm jistis kriminèl la. Pou ogmante kantite ak disponiblite tribunal sante mantal, Gouvènè a pral dedye finansman pou etabli nouvo tribunal sante mantal epi pèmèt tribunal ki egziste deja yo pran plis ka.

Gouvènè Hochul pral finanse tou navigatè sante mantal nan sistèm tribunal konte yo ki pral responsab pou idantifye akize ki gen yon istwa nan tretman sante mantal, mank angajman nan tretman oswa lòt enkyetid sante mantal. Espesyalis sa yo pral travay avèk Ekip Kowòdinasyon Lapolis ak Sante Mantal ak founisè lokal yo pou refere moun yo jwenn tretman ak sèvis, enkli lojman. Yo pral mete aksan sou rekritman espesyalis ki gen eksperyans nan difikilte sante mantal yo pou facilite plis konfyans ak angajman.

Ogmante Lojman Tranzisyon ak Espesyalize

Gouvènè a pral ogmante aksè a lojman tranzisyon pou moun yo gen lòt opsyon pase abri apre yo fin libere yo nan prizon. Inite sa yo pral sèvi atravè pwofesyonèl ki ka bay asistans nan jesyon ka pou moun ki gen maladi mantal nan jwenn lojman pèmanan, travay, sante mantal ak tretman itilizasyon sibstans ak lòt objektif rekiperasyon endividyièl. Anplis de sa, Gouvènè a pral finanse lojman espesyalize pou moun ki gen yon istwa arestasyon repeète ak difikilte pou yo patisipe nan tretman sante mantal, avèk anplwaye ki deziyen pou bay alafwa sipò ka nan nivo endividyièl epi tou sipò kriz ak rediksyon pou anplwaye rezidansyèl yo.

Finansman Nouvo Ekip Kominotè yo

Pwopozisyon Gouvènè a pral bay finansman pou ekip Tretman Kominotè Entansif ak Mediko-Legal (Forensic Assertive Community Treatment, FACT) ki pral bay sipò 24 sou 24 pou moun ki gen maladi mantal grav. Responsablite ekip sa yo se pou kenbe kantite ka pi ba yo epi bay angajman kontinyèl, sou plas pou facilite koneksyon ak swen ak lojman, pandan y ap asire konfòmite ak plan medikaman ak tretman, epi tou sipòtè devlopman konpetans lavi yo.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418